



Synfocity = 713

mail us at : mzsynfo@gmail.com; mizoramsynod@gmail.com - Phone - 2314648

November 29, 2018

❑ Synod Committee peng hrang hrang an thu

Synod Inkhawmpui atana Synod Department hrang hrangte inruahman lawkna Committee chu October thla aṅang khan neih chho zel a ni a, Nov. 30, 2018 (Zirtawpni) hian Pastoral Committee meeting an thu ang a, Pastoral Committee-ah hian Pro. Pastor dilte interview neih a ni baw ang.

❑ Synod Inkhawmpui

Synod Inkhawmpui wawi 95-na chu Dec. 4 - 9, 2018 chung hian Electric Veng Bialin thlengin, Electric Veng Kohhran Biak Inah neih a ni dawn a, hemi hma hian Committee hrang hrang an thukhawm chho mek baw. Dec. 4, 2018 (Thawhlehi)-ah Nomination an thu ang a. Dec. 5 - 8, 2018 chungin Rorel a ni ang a, zan lamah Pathian Biak inkhawm neih thin a ni ang. Dec. 9, 2018 (Pathianni) chawhmaah Pastor nemngheh leh Pro. Pastor dahngheh inkhawm neih a ni ang a, chawhnuah Lalpa Zanriah Sacrament kilho a ni ang a, Zan Pathian Biak Inkhawmah Moderator valedictory sermon ngaihthlak a ni ang.

Kumin Synod Inkhawmpui Thlarau lam thupui chu 'I ram lo thleng rawh se' (Matthia 6 : 10) a ni a, Dec. 8, 2018 (Inrinni) zanah Rev. Dr. Vanlalnghaka Ralte, ATC-in a sawi ang.

Kumin 2018 Synod Inkhawmpuia Synod Puipa turte chu heng te hi an ni :

| | | |
|-----------------------|---|--|
| Moderator | : | Rev. R. Lalhmingthanga |
| Secretaries | : | Upa R. Dengzikpuia (Sr.) Rev. R. Vanlalnghaka (Jr.) |
| Finance Officers | : | Rev. P.C. Pachhunga Rev. H. Remthanga |
| Statistician | : | Rev. R. Lalnuntluanga |
| Executive Secretaries | : | Rev. Lalramliana Pachuau Rev. B. Sangthanga |

Synod Inkhawmpui hi kum 2010 aṅang khan Bial-in an thleng ṅan a, kum 2010 - ah Dawrpui Pastor Bialin Zarkawt Kohhranah thlengin kum 2011 khan Khatla Bialin Khatla Kohhranah an thleng a, kum 2012 khan Chanmari Bialin Chanmari Kohhranah an thleng leh a, kum 2013 khan Ramhlun North Bialin Ramhlun North Kohhranah an thleng a, kum 2014 khan Mission Vengthlang Bialin Mission Vengthlang Kohhranah an thleng a, kum 2015 khan Tuikual Bialin Tuikual Kohhranah an thleng a, kum 2016 khan Durtlang Bialin Durtlang Kohhranah an thleng a, Nikum 2017 khan Bungkawn Bialin Bungkawn Kohhranah an thleng a, kumin 2018 hian Electric Veng Bialin Electric Kohhranah an thleng dawn a ni. Nakkum (2019) Synod chu Mission Veng Bial-in Mission Veng Kohhran Biak Inah an thleng ang.

❑ Pastor Counselling Training wawi 28-na

Mizoram Synod, Family Guidance & Counselling Centre (FG&CC)-in Pastor-te puala November ni 14 aṅanga Synod Conference Centre-a Intensive Residential Pastoral Care & Counselling Training wawi 28-na a buatsaih chu Nov. 26, 2018 (Thawṅanni) zan khan 'Final Evaluation & Graduation Service' nein khar a ni. Training kharna hun hi Rev. Lalsangbera, FG&CC Director-in a kaihhruai a, Rev. F. Lalrinnunga, Synod Moderator-in training chhuakte hnenah Certificate semin thuchah a sawi. Counselling Training-ah hian Mizoram Synod Pastor 15 leh Phai Synod, Myanmar atangin Pastor 3, an vaiin 18 an tel a ni. Training kharna inkhawmah hian Training chhuakte chuan an hlawkpui dan a lema an ziak chu entirin an hrilhfiah a, Rev. Hmingthansanga Pachuau, Marpara Ramthar bialtu chuan training chhuakte aiawhin thu a sawi a. Ramhlun Vengthar Pastor Bial Zaipawl te tum 2 zaiin, Upa B. Lalthanliana, Com. Member, FG&CC chuan Training chhuakte a ṅawngṅaisak a ni.

FG&CC hian Pastoral Care & Counselling Training hi Pastor-te pualin wawi 28 buatsaih tawhin, Pastor 479 training a neihpui tawh a. Church Leader-te puala kum 2002 aṅanga training a neihpui tawhah Kohhran hruaitu 599 Training pek an ni tawh baw a ni.

Synod hian Counselling Centre pasarih - Mission Veng, Bawngkawn, Vaivakawn, Champhai, Serchhip, Kolasib leh Lungleiah te a nei a, 2019 kum tir lamah hian Mamit-ah Centre hi hawn belh tura ruahman a ni baw. Heng Counselling Centre pasarihah hian tun thlenga pantu (client) an neih tawh zat chu mi 24,626 an ni.

❑ Bible Sunday

Dec 2, 2018 (Pathianni) hi Bible Sunday a ni a, Presbyterian Kohhran te chuan Bible Sunday pualin inkhawm wawihnih neih tura ruahman a ni. Thupui inang tlang zirho ani ang a, chawhnu inkhawm thupui "Pathian thu chu - Pathian ralthuam, thlarau ngunhnam a ni" tih a ni a, Zan inkhawm thupui "Pathian thu chu - thu nung, thiltithe a ni" tih a ni. Bible Sunday kan hman chhan chu Bible thehdarh kawngah intihchak tharna atan a ni a, a hman dan tur hi Bible Society of India, Aizawl Auxiliary Office lam atangin ruahman thin a ni a, chu chu Kohhran hrang hrangin kan zui thin. Bible Sunday-ah hian Bible Society pualin Inkhawm wawikhat thawhlawm lakkhawm thin a ni.

Contd..

□ **PBS Farewell & Dedication vawi 44-na**

Presbyterian Bible School chuan Nov. 26, 2018(Thawhtanni) chawhnu dar 1:00 khan Batch 44-na pualin Farewell and Dedication Programme Pi Zaii Hall, Synod Conference Centre-ah an hman. Programme hi Rev. B. Sangthanga, Exe. Secretary-in a kaihrui a, Rev. Vanlalngeiha, PBS Zirtirtu-in inlawmna leh inhmelhriattirna hun a hman a. PBS Principal Rev. Lalneihvura'n report a pe. PBS Board Member Upa T. Vanlawma'n zirchhuakte hnenah certificate a hlan a, Ni. F. Lalzamliani leh 44th Batch PBS Choir ten Pathian fakna hla an sa bawk. Zirlai ti thate leh class kal kimte hnenah PBS Board Member Upa C. Lalzawnga'n lawmman a hlan a, Pu C. Awithanga Award pawh Pu C. Awithanga chungten an hlan bawk. Upa C.B. Thangluta, PBS Board Member-in zirlaite tana tawngtaisakna a nei a. Zirlai aiawhin K. Lalnunhlma'n thu a sawi a, Rev. K. Lalhmuchhuaka, PBS Zirtirtuin lawmthu sawina hun a hman a, Chairman-in malsawmnain programme a khar a ni. PBS-ah hian a din tirh atangin tun thleng hian zirlai 2154 an awm tawh a, chung zinga 1828 ten tha takin an passed a ni. Tuna batch 44-naah hian zirlai 60 an awm a, 57 ten tha takin an pass a, exam lo 2 leh fail 1 an awm a ni. Exam-a titha zual pathumna thlengin lawmman Rs. 1000/-, Rs. 700/-, Rs. 500/- leh Lawmpuina thuziak PBS Committee hminga hlan an ni a, chungte chu:-

- 1st - K. Lalnunhlma s/o K. Lalrawngbawla, Zemabaw Kohhran
- 2nd - F. Lalzamliani d/o F. Lalthangzuala, Ramhlun Venglai Kohhran
- 3rd - Vanlalhlana s/o Lalritluanga, Hualtu Kohhran

Batch 44-na zirlai zingah hian class kal kim mi 20 lai an awm a, an hnenah lawmman Rs.500/- theuh hlan a ni. Kum 2014 atangin zirlai zinga Christian Theology leh Church Administration & PCI Constitution Subject-a ti tha ber hnenah Pu C. Awithanga Award hlan thin a ni a, award hian pawisa fai Rs.1,000/- a keng tel a ni. Vanlalmuanpuia s/o H. Laldawngliana, Khawhai South Kohhran chuan Christian Theology-ah 85% leh Church Administration & PCI Constitution-ah 95% hmuin titha ber nihna a hauh ve ve a ni.

Presbyterian Bible School atanga zir chhuak tam berte hi rawngbawlina tangkai takah an in hman zui thin a. Sunday School zirtirtu, Missionary, Social Worker hna thawkte an awm nual a. B.D. leh B.Miss. zawm pawh engemaw zat an awm tawh a ni. Synod Revival Speaker leh Team member tam zawkte hi Bible School atanga zir chhuak an ni bawk. Zir tuan chhuak thei lote hi chu Aizawla awmna tur mumal nei lo te, sawrkar hna an hmuh vangte leh hrisel lohna avanga zir tuan thei ta lo te an ni tlangpui.

□ **Aizawl Theological College Day vawi 53-na**

Mizorama Pathian thu zirna hlun leh changtlung bera ngaih Aizawl Theological College chuan November 26 Thawhtanni hian College Day vawi 53-na an lawm a. Rev. Lalramliana Pachuau, Synod Sr. Executive Secretary i/c, Theological Education-in a kaihrui a, ATC Principal Rev. Dr. C. Lalhlira chuan Day lawm tura mi sawmte lawmna leh December 2017-November 2018 chhunga ATC rawngbawlina leh hmasawna hrang hrang chanchin a sawi a. Rev. Dr. C. Lalhlira hian Pathian leh Kohhranhote duhsakna changa Principal term a hman zawh theih avangin lawmthu a sawi a, principal thar tur Rev. Prof. Vanlalngbaka Ralte hnenah duhsakna a hlan a ni. Rev. Dr. Roger Gaikwad chuan, "Humanity and Spirituality in the Face of the Fourth Industrial Revolution" tih thupui hmangin thuchah pawimawh tak a sawi bawk. ATC Day-ah hian 2017-2018 Session chhunga zirlai titha zualte hnenah Synod Secretary (Sr) Upa R. Dengzikpuian Proficiency Award leh Subject hrang hrang a tithate chwimawina a hlan a ni. Academic Session liam ta a BD first class-a zo, Students' Body President kal chhuak ta, Zosangliana Rokhum hnenah "Best Outgoing Award" hlan a ni a; Bachelor of Christian Studies (BCS) zir chhuak mi 8 hnenah degree hlan a ni bawk.

ATC Male Voice leh ATC Choir te hnen atangin fakna hla ngaihthlak a ni a. Rev. Vanlalrova Khiangte (Member, Synod Theological Board)-in malsawmnain a tin a ni.

Tun dinhmunah zirlai 177 an awm a, mipa 136 niin, hmeichhe 41 an ni a. B.D zirlai 107; M.Th ah 61, D.Th ah 6 leh DCPC ah mi 3 an ni. Heng zirlaite hi hnam hrang hrang an ni a, zirlai tam ber hi Mizoram chung mi niin, heng bakah hian kan thenawm State atangin Assam-3, Manipur-11, Meghalaya-5, Nagaland-15, Tripura-2, Myanmar-2 an vaiin mi 38 zet an ni.

ATC hi kum 1907 Zosaphluia hova din a ni a, tunah chuan BD course bakah, Department hrang hrangah pasarihah Master of Theology zirna a awm a; Department pathumah Doctorate of Theology zirna kalpui mek a ni bawk. ATC Day hi kum dangah chuan November thla Zirtawpni hnuhnung ber dawttua hman thin ni mah se, MLA Inthlan hunin Synod hun ruat sa dang a nghawng avangin ATC Day hi Thawhtannia sawn a ni.

□ **Synod Relief Fund**

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

| S.No | Khua | Pek chhan | Chhungkaw zat | Chhawmdawlina pek zat |
|------|------------------|-----------|---------------|-----------------------|
| 1. | Mission Veng | Damlo | 1 | Rs. 8,000/- |
| 2. | Phainuam | Damlo | 1 | Rs. 8,000/- |
| 3. | Champhai Venglai | Damlo | 1 | Rs. 10,000/- |
| 4. | Rangvamaual | Damlo | 3 | Rs. 24,000/- |
| | | | TOTAL | Rs.50,000/- |

☐ **Kohhran Hmeichhe Ni**

Nov. 30, 2018 (Zirtawpni) hi Kohhran Hmeichhe Ni a ni a, Presbyterian Kohhran Hmeichhiate chuan hemi pual hian Bial/Kohhranah tha an tih angin programme an hmang a, Kohhran thenkhat chuan ruai nen an lawm a ni. Kumin Kohhran Hmeichhe Ni-ah hian thupui inang tlang Dr. T. Vanlaltlani, ATC ziah "Zirtirtu Tha - Nu te" tih chu an zir a ni.

Kohhran Hmeichhe Ni hi Kohhran Hmeichhe Inkhawmpui Lian-in Kohhran Hmeichhe Ni bik neih a rel a, Synod Executive Committee (SEC) in November Zirtawpni hnukung ber hi Kohhran Hmeichhe Ni atan hman ni se, tia a relsak angin kum 1997 atang khan hman tan a ni a. Synod Calendar-ah pawh Synod Ni pawimawh zingah dah tel a ni bawk. Kumin hi wawi 22 an hmanna a ni.

☐ **Synod Bookroom**

♦ Nov. 26, 2018 (Thawhtanni) zan khan Synod Bookroom chuan Zonuan Branch KTP-in an Kohhran Chanchinbu Gospel Voice Silver Jubilee puala Literature Night an buatsaihah hmanpui tura an sawm angin hun an hmang a. Bookroom Manager Pu Lalniliana chuan thu sawiin, inkhawm banah Synod Bookroom Vaivakawn Branch bultumin Special Sale, Kohhran Hall-ah Kohhran mipui tan buatsaih a ni bawk.

♦ Kum thar 2019 atana Sunday School zirlai bu Rate tur hetiang hi a ni ang:

1. Beginner - Rs. 70/-
2. Primary - Rs. 70/-
3. Junior - Rs. 70/-
4. Intermediate - Rs. 80/-
5. Sacrament - Rs. 80/-
6. Senior - Rs. 80/-
7. Puitling - Rs. 100/-

THILDANG

1. Nilai leh Beihruah thupui - Rs. 120
2. Synod Calendar keu chi (Presbytery map awmna) - Rs. 60
3. Synod Calendar pheik mal chi - Rs. 20
4. Sande Sikul Hminglamna - Rs 15/-
5. Teaching Aid Beginer Deptt - Rs. 180/-
6. Teaching Aid Primary Deptt - Rs. 180/-
7. Teaching Aid Junior Deptt. - Rs. 180/-
8. Kristian Dairy 2019 - Rs. 150/-

☐ **Worship Deptt.**

Nov. 23, 2018 (Zirtawpni) khan Chhinga Vengthlang Kohhranah Khuang vuak training neihpuiin Pu Lalromawia, Senior Instructor a kal.

☐ **Prison Ministry**

Prison Ministry hmalakna kal zelah Nilaini leh Zirtawpni khan Central Jail leh District Jail, Armed Vengah te Counseling class neiin hun an hmang.

☐ **Hruaina Eng FM Radio**

♦ **NOVEMBER 30, 2018 (FM Zoawi Aizawl & FM Lunglei @ 7:30 p.m.):**

Solo : Lalhruaizela Pachuau - Lunglu, **Zaipawl :** Dawrpui Bial Zaipawl - Aw chawimawi ula, Lalber chu khumtir r'u, **Sermon :** Rev. Lalhmuchhuaka - Inthawina aiin thuawihna, **Group :** Leitan Pavalai Zaipawl - Isu ka rawn pan che, **Group :** The Children quartet - Isua Hmangaihna leh thatna

☐ **Hruaina Eng TV Programme**

Susamachar Prasaran Programme

♦ **DECEMBER 2, 2018 (Pathianni) 5:00 pm. :**

- Group/Choir/Solo :** Bungkawn Masihi Sangati - Pyar ka sangar
Group/Choir/Solo : Dawrpui Bial Masihi Sangati - Jaya
Sermon : Lalhmingthanga - Misual sim Zakaia
Group/Choir/Solo : Hmingtea Tochwawng - Aaya ishu mere jiwana me
Group/Choir/Solo : Kristian Centre Zaipawl - Tu Pyar Ka Sagar

♦ **DECEMBER 2, 2018 (Tv Programme) @ 4:00 - 6:00, 8:00 - 9:00 p.m) :**

Weekly Round Up

Sermon : Upa Dr H Vanlalhluna - Rorelna hi Lalpa ta a ni

Sawihona : World AIDS Day Pual

☐ **Moderator Programme**

Nov. 30, 2018 Zirtawpni Zan Masihi Sangati Evangelist Retreat Chawlhmun Kohhran

Synod Social Front Helpline: 9089777129;

Tuai & Patil Helpline : 8729800130;

Students' Helpline : 9856883377

www.MIZORAMSYNOD.ORG

Synod Information & Publicity
Phone - 2314648

Synfo